

REPORT
2001



REPUBLIKA E SHQIPERISE
KKRT-KESHILLI KOMBETAR I RADIOS DHE TELEVISIONIT

Rruga " Abdi Toptani", ish hotel Drini, Tirane
Tel ++ 355 42 333 26
Fax ++ 355 42 262 87

Nr. 70 Prot

Tirane, me 04.02.2002

Lenda: Dergohet Raporti vjetor

KUVENDIT TE SHQIPERISE

Komisionit Parlamentar per Mjetet e Informimit Publik

Sipas afatit te shkreses suaj, bashkelidhur raporti " Mediat elektronike 2001- nje realitet me probleme".

Raporti do te miratohet ne mbledhjen e KKRT, sipas rregullores, diten e premte, date 09.02.2002.

KRYETARI

Sefedin ÇELA

MEDIAT ELEKTRONIKE 2001 - NJE REALITET ME PROBLEME

Raport vjetor per Parlamentin

Me 97 operatore radio dhe televizione te licencuar, gjeografikisht te shperndara, per fat, gati ne te gjithë rrethet e vendit, mediat elektronike ne Shqiperi tashme jane nje realitet dhe deshmi e zhvillimeve te pakthyeshme, progresive dhe te mbara.

Aktualisht ne territorin e vendit operojne 35 operatore radio Fm(nga te cilet 1 kombetare, 34 vendore) dhe 62 operatore Tv (nga te cilet 2 kombetare, 54 vendore) perfshire 1 satelitor dhe 5 operatore TV me kabell. Nga operoret radio televizive ne transmetim, 32 operatore radio dhe 47 operatore televizive, pra 79 operatore private radio e televizive ose 82% e numrit te pergjithshem, kane qene ne transmetim para pajisjes me licence (gjendja e trasheguar). 3 operatore vendore radio dhe 15 televizive jane licencuar gjate vitit 2001 duke zbatuar procedurat qe parashikohen ne ligjin "Per radion dhe televizionin publik e privat ne Republiken e Shqiperise". Kjo do te thote se operoret e licencuar ne vitin 2001 kane dale ne transmetim vetem pasi Keshilli Kombetar ka miratuar licencen perkatese. Nje fakt i tille perben progres ne disiplinimin e operatoreve dhe moslejimin e transmetimeve te paautorizuara. Ne kete drejtim Administrata e KKRT nuk ka lejuar leshime duke ndeshkuar subjekte te ndryshem, per dalje te paautorizuar ne transmetim.

Realizimi i dy projekteve te rendesishme, si qendra bashkekohore e monitorimit te programeve dhe **nje program bashkekohor kompjuterik i shoqeruar me harten digjitale te Shqiperise, i cili do t'i sherbeje percaktimit te zonave te mbulimit te operatoreve radio e televizive si dhe planifikimit te rrjeteve radio e televizive, analoge e digjitale,** siguruar me nje donacion amerikan, tashme perbejne nje mbeshtetje te mire te KKRT me infrastrukture te domosdoshme per veprimtari sipas standarteve te percaktuara me ligj.

Ne gjysmen e dyte te vitit 2002 do te vihet ne pune projekti Qender e Levizeshme Kontrolli, financuar nga nje grant i Qeverise Daneze i mbeshtetur me nje liste shtese paisjesh, te financuara nga buxheti i shtetit

Amendimi i ligjit nr 8410 ne maj te vitit te kaluar e le te hapur numrin e operatoreve private kombetare, veçanerisht e atyre televizive tokesore.

Mbeshtetur ne rekomandimet e organizmave nderkombetare te specializuara si ITU (Bashkimi Nderkombetar i Telekomunikacioneve), si dhe me plotesimin e infrastruktures se nevojshme qe lidhet me venien ne funksionim te kesaj qendre, kete vit do te kryhet studimi per percaktimin e rrjeteve te mundeshme analogjike kombetare televizive, sipas percaktimeve ne ligj.

Jemi duke zgjidhur me donatore financimin e ketij projekti, i cili do te kryhet nga specialiste te huaj. Kjo, jo se ne Shqiperi nuk ka specialiste per ta kryer kete studim, por qe te mos keqinterpretohen problemet teknike si ka ndodhur ne te kaluaren. Theksoj qe ne vendimmarrjen e rregullatoreve homologe te vendeve te Europes Lindore si Polonia, Hungaria, Çekia, Sllovakia, Rumania, Sllovenia, ky problem teknik eshte zgjidhur duke percaktuar numrin e kufizuar te rrjeteve kombetare televizive. KKRT, per te ulur kostot, do te vere ne dispozicion infrastrukturen e vet dhe te dhenat per frekuencat e licencuara, tashme te identifikuara, te informatizuara, madje edhe te publikuara ne faqen tone te internetit.

Synimi eshte qe **studimi, t'i vihet KKRT ne dispozicion per miratim e zbatim, mundesisht brenda harkut kohor te ketij viti.**

Nderkohe, deri ne miratimin e ketij studimi KKRT do te jete e kujdesshme ne leshimin e licensave te reja per operatore qe kerkojne shtrirje relativisht te gjere ose te ngrije provizorisht procesin e licencimit te metejshem. Sigurisht ky vendim do te merret, edhe pse perkohesisht, duke u shoqeruar me nje relacion problemor te hollesishem, qe do t'u paraqitet operatoreve tashme ne treg, por edhe duke e publikuar ate.

Licencimi, rregullimi i veprimtarise rtv, si tregon dhe praktika e vendeve te tjera, nuk eshte nje cikel i mbyllur brenda kufijve rreptesisht te caktuar kohore, por nje proces. Vende si Italia kane 30 vjet qe perpunojne ne menyre te vazhdueshme planin e vet kombetar te dhenies se frekuencave radio e televizive.

Edhe studimi i siperctuar do te jete nje baze per hartimin e planit tone kombetar te dhenies se frekuencave radio e televizive, qe aktualisht

mungon. Ky plan do te shoqerohet edhe me ndertimin e strategjise afatmesme dhe afatgjate te KKRT per implementimin e teknologjive digjitale ne transmetim te cilat do te lejojne rritjen deri ne 20 te rrjeteve kombetare transmetuese televizive.

E theksoj kete fakt se pas ndryshimeve te fundit te ligjit Nr. 8410, date 30.09.1998 "Per radion dhe televizionin publik dhe privat ne Republiken e Shqiperise", sidomos ndryshimi i nenit 20 (i bere me nenin 7 te Ligjit Nr. 8794, date 10.05.2001 "Per disa ndryshime ne ligjin Nr. 8410, date 30.09.1998 "Per radion dhe televizionin publik dhe privat ne Republiken e Shqiperise"") jane perceptuar nga disa operatore ne menyre te njeaneshme si abrogimi i cdo kufizimi ne llojet e licencave qe leshohen nga KKRT. Per pasoje ata kane filluar te bejne njoftime publike per zgjerimin e zonave te mbulimit, dhe ndonje po vepron konkretisht, duke instaluar impiante transmetimi ne zona te cilat nuk i ka patur mbuluar ne castin kur ka paraqitur dokumentacionin e aplikimit, pa bere asnje perpjekje per te ndjekur procedurat e percaktuara nga ligji.

Praktikisht, nje veprim i tille perben vazhdimesine e okupimit arbitrar te brezave te frekuencave, duke e vene KKRT perpara faktit te kryer. Ky fenomen shqetesues, qe per vete numrin ne rritje te operatoreve, po krijon nje situate te renduar ne administrimin e brezave, te frekuencave dhe ne cilesine e transmetimeve, ne kushtet e ekzistences se organit rregullator, eshte krejtesisht i patolerueshem dhe si i tille duhet te kundershohet me te gjitha mjetet qe parashikon ligji.

Por, pavaresisht nga masat e rrepta qe ka ndermarre e do te marre KKRT per te detyruar operatoren qe te zbatojne dispozitat e ligjit dhe rregulloret e KKRT-se, qe nga gjobat e deri ne ckycjen apo sekuestrimin e impianteve te paautorizuara, mendojme se nje zgjidhje me efektive do te ishte parandalimi i shkeljeve, perpara se ato te ndodhin.

Ne licensimin e operatoreve dhe dhenien e kanaleve dhe frekuencave per ta, u mbajt parasysh gjendja e krijuar e transmetimeve radio e TV, se, ndryshe nga sa pershkruhet ne ligj, shumica e operatoreve kishin dale ne transmetim pa aplikuar e pa plotesuar asnje lloj dokumentacioni. Fillimisht u arrit te identifikoheshin te gjitha frekuencat dhe kanalet qe ishin okupuar pa asnje kriter nga operatoren. Per kete u krijua dokumentacioni perkates, qe nuk ekzistonte me pare ne asnje organ

tjeter rregullator si DPPT apo ERT. Ky dokumentacion sherbeu si baze per te percaktuar prioritetet e punes per permiresimin e administrimit te spektrit radioteleviziv. Te dhenat e grumbulluara nga dokumentacioni u verifikuan ne menyre te pergjitheshme nepermjet matjeve te spektrit ne disa pika kryesore te territorit te Shqiperise, perfshire te gjitha qytetet e saj nga ku u zbuluan edhe subjekte qe kishin okupuar frekuenca dhe nuk kishin paraqitur asnje dokument per kete.

Vitin e kaluar, eshte organizuar nje numer i madh inspektimesh ne te gjitha territorin e vendit per te verifikuar gjendjen e spektrit ne rajone te ndryshme dhe ne vazhdimesi.

Nga studimi i te dhenave te grumbulluara, nder problemet kryesore teknike ishin nderhyrjet e stacioneve tek njeri tjetri si rezultat i projekteve te pastudjuara dhe cilesise se dobet te aparaturave transmetuese. Te mesuar me gjendjen e parregulluar te sektorit, operatoret, per te shmangur nderhyrjet, nderronin frekuencat e transmetimit, pa kerkuar leje apo autorizimin perkates. Kjo shkaktonte shqetesime ne operatore te tjere. E ndodhur para kesaj gjendjeje, KKRT mori masa per disiplinimin e perdorimit te frekuencave. **Sot mund te themi se, me pak perjashtime te cilat KKRT i ka ndjekur me prioritet, gjendja e shfrytezimit te frekuencave radio FM dhe televizive eshte e stabilizuar** dhe operatoret i njohin pasojat qe sjell ndryshimi i paautorizuar i tyre. **Per transmetime ne dy kanale dhe per dalje te paautorizuar ne transmetim jane penalizuar me gjoba disa operatore e subjekte private.** Qellimi kryesor nuk ka qene gjoba ne vetvete por rezultati, pra disiplinimi i administrimit te spektrit te frekuencave, qe eshte pasuri e kufizuar.

Lidhur me administrimin e frekuencave, nje problem shqetesues ka qene **okupimi, qe para licensimit**, nga operatoret radio e televizive, per sherbimet e tyre fikse radiorele i frekuencave qe ne planin nderkombetar te frekuencave jane te caktuara per sherbime te tjera.

Gjate 2001, disa **operatore** radio (Club FM, radio "Perla", "TopAlbania Radio"), me pajisjet e tyre radiorele krijonin nderhyrje ne **brezin e frekuencave** te zene nga **telefonja celulare** GSM (AMC dhe VODAFONE). Nga KKRT u nderhy dhe keta operatore moren masa per shmangien e tyre nga ky brez.

Por, me amendimin e ligjit ne maj te vitit te kaluar, administrimi i brezit te frekuencave te radioreleve i ka kaluar ERT. Kjo na ka krijuar

veshtiresi ne kontaktet me operatoret e licensuar . Me kete rast do t'i kerkoja ERT dhe dikasterit qe e mbulon te marre ne dore plotesisht administrimin e brezit te frekuencave radiorele, duke ju pergjigjur ne kohe operatoreve radio e televizive te licensuar per kerkesat e tyre. Kjo e lidhur jo vetem me frekuencat e reja per shtrirjen e tyre ne zonen e licensimit por dhe per spostimin e shume frekuencave ekzistuese ne breza te tjere, ne zbatim te Planit Kombetar te Radiofrekuencave, te miratuar vitin e kaluar nga Keshilli i Ministrave.

Vitin e kaluar ka filluar bashkepunimi edhe me organizmat rregullatore te vendeve fqinje, kryesisht per te zgjidhur probleme korrente te evitimit te nderhyrjeve, si me homologet italiane, greke dhe maqedonas. KKRT u pranua gjithashtu edhe si anetare e rregullt e EPRA, Bashkimi i Rregullatoreve RTV Europiane.

Kujdes i vecante i eshte kushtuar marredhenieve me operatorin me te madh ne vend, operatorin publik. RTSH disponon rrjetet me te medhenj te transmetimeve radiotelevizive ne vend dhe si operator publik, ligji "Per radion dhe televizionin publik e privat ne Republiken e Shqiperise" e ngarkon me objektiva konkrete. Theksojme se RTSH, , brenda 5 vjetesh nga miratimi i ligjit, duhet te arrije mbulimin e 95 % te territorit te vendit te pakten me nje program. Po keshtu, sipas planit kombetar te frekuencave te miratuar nga Qeveria vitin e kaluar, RTSH duhet te liroje brenda vitit ne vazhdim banden 81-88 MHz qe aktualisht e shfrytezon per transmetimin e programit te pare televiziv. **Ne kete kuader RTSH duhet te mbeshtetet financiarisht nga Qeveria.**



Gjate vitit 2001 ne permbajtjen e programeve, veprimtaria e KKRT u perqendrua ne dy drejtime kryesore :

1. Analizimi dhe verifikimi i permbushjes se detyrimeve te operatoreve radiotelevizive sipas ligjit ne fushen e prodhimit dhe transmetimit te programeve.
2. Organizimi dhe zhvillimi i monitorimit te medias elektronike ne pasqyrimin e Fushates per Zgjedhjet Parlamentare te vitit 2001.

Te dyja keto drejtime te punes jane trajtuar e zgjidhur hap pas hapi, duke e konsideruar si nje proces, qe ka te beje me kuptimin e ligjit, me konsolidimin e operatoreve dhe me aftesimin profesional te stafteve krijuese.

Ne drejtimet kryesore:

- Respektimi i te drejtave te transmetimit, te blera nga operatorët radiotelevizive.
- Paraqitja e drejte dhe e paanshme.e fakteve dhe ngjarjeve ne programet informative.
- Respektimi i kushteve te transmetimit te reklamave
- Probleme te permbajtjes se programeve.

Egziston nje praktike e tere shkresore ndermjet KKRT dhe subjekteve radiotelevizive, ku terhiqet vemendja, behen paralajmerime dhe vendosen sanksione per shkelje te perseritura te ligjit. Pervec korespondences me subjekte te veçanta, per çeshtje kryesore u perdoren edhe Njoftimet per Shtyp, ne rastet kur problemet kishin shtrirje te gjere dhe perbenin shqetesim per gjithë veprimtarine radiotelevizive.

Problemi me i mprehte ne fushen e programeve mbetet respektimi i te drejtave te transmetimit. Pirateria radiotelevizive eshte aktualisht “forme e ekzistences” se shume subjekteve.

Lufta kunder piraterise filloi me perpjekjet per te respektuar te drejtat e transmetimit te blera nga subjektet e tjera. Mosmarreveshjet midis dy operatoreve u zgjidhen konform ligjit ne gjykate dhe KKRT u be pale me subjektin e demtuar qe kishte paraqitur te gjithë dokumentacionin qe vertetonte blerjen e programeve.

E njejta praktike po ndiqet edhe per programet e blera te subjekteve te tjere. Gradualisht do te kalohet ne minimizimin e programeve pirate nga operatorët radiotelevizive.

Ne kete kuader eshte pare edhe transmetimi konform ligjit i reklamave ne radio dhe televizion.

Jane vendosur sanksione nga paralajmerim deri ne gjoba per raste e meposhteme:

- Transmetim i reklamave te produkteve te duhanit.(TVA, Tv Shijak, Tv Koha, Top Albania Radio)
- Transmetim i reklamave ne gjuhe te huaj (Tv Klan, TNSH etj)
- Transmetim i reklamave brenda emisioneve informative.(TVA, TV Shijak)
- Sponsorizim te programeve informative(Tv Shijak)
- Transmetim i reklamave mashtruese.-Per te gjitha radiot dhe televizionet.

Problem mbetet transmetimi i reklamave per lojrat e fatit qe po zene nje vend te konsiderueshem ne blloqet e reklamave ne radio dhe television. Nese i referohemi praktikës se shume vendeve te tjera, mund te kufizohet, apo edhe te eleminohet me ligj transmetimi i tyre.

Pirateria e programeve, shkelja e te drejtes se transmetimit, eshte dukuria e shfaqja me e shemtuar e me masive ne transmetimet rtv, nje e keqe nga e cila nuk ka shpetuar askush, madje as operatori publik.

Shqiperia , tashme anetare e OBT, ka detyrime per mbrojtjen e pronës, prodhimit, te drejtes se autorit, te transmetimit, te patentës, vendase apo te huaj.

Eshte krejtesisht normale qe te demtuar, shkallen e demit apo pervesues te shpall gjykata, por per nje periudhe tranzitore, edhe sanksione me gjoba, te parashikuara e percaktuar qarte ne ligj , mund te vendoseshin. Vendimet e gjykatave shpesh, zgjatin, sidomos kur apelohen ne disa shkalle, financat e operatoreve preken seriozisht nga mosshdemitet.

Por, amendamenti i propozuar per vendosjen e gjobave **kur shkelen te drejtat e transmetimit** nuk u miratua kur u rishikua ligji. KKRT-se i duhet te perballoje ankesat ne rritje te operatoreve per mosveprim, apo lejim te konkuresces se pandershme.

Lidhur me programet informative, jane shqyrtuar ankesat e ardhura ne adrese te KKRT nga shume subjekte, si nga pushteti lokal, sindikatat, drejtorite e tatimeve, nga institucione, shoqata te ndryshme dhe individe, per trajtime te njeanshme te fakteve. Keto dukuri jane zgjidhur me mirekuptim dhe sipas ligjit duke siguruar te drejten e pergjigjes.

Ne fushen e permbajtjes se programeve, ne bashkepunim me Keshillin e Ankesave jane trajtuar:

- probleme etiko-morale ne rtv,
- dhuna e tepruar dhe vulgariteti ne ekran,
- seksi dhe pornografia,
- mbrojtja e te miturve nga rreziku mediatik.

Çeshtjet e mesiperme jane trajtuar jo vetem pas ankesave te drejtuara nga individe apo grupe njerezish, por edhe pas monitorimit tematik te programeve televizive.

Jane shqyrtuar programet ne dite te veçanta per TVSH, Tv KLAN, TVA, "Vizion+", TNSH, Tv Koha, Tv Calvin, ATN 1, Tv Alba si dhe Top Albania Radio.

Padyshim, monitorimi i medias elektronike, ne pasqyrimin e fushates per zgjedhjet parlamentare te vitit 2001 ka qene nje nga objektet me te rendesishme te punes se KKRT.

Monitorimi eshte nje detyrim ligjor qe rrjedh nga Neni 7/2 i Ligjit Nr. 8410, date 30.09.1998 "Mbi radion dhe televizionin publik dhe privat ne RSH" dhe nga Ligji Nr.8609, date 08.05.2000 "Kodi Zgjedhor ne RSH"

Monitorimi u krye ne bashkepunim me Shoqaten per Kulture Demokratike, me mbeshtetjen e Prezences se OSBE-se ne Tirane dhe Projektit DANIDA.

Ne prag te fushates per zgjedhjet parlamentare u publikua "KUJTESA", qe rekomandonte pasqyrimin ligjor, profesional dhe etik te fushates zgjedhore. U monitoruan **8 televizione dhe u regjistruan programet e 5 radiove**. Ketu bejne pjese transmetuesit me audience dhe perhapje me te madhe te sinjalit te tyre.

Krahas Radiotelevizionit Publik Shqiptar, u monitoruan programet informative te 2 televizioneve kombetare private TV KLAN dhe TV ARBERIA, si edhe operatoreve lokale TV KOHA, TELENORBA SHQIPTARE, SHIJAK TV, VIZION+, ATN 1.

Rezultatet e monitorimit u publikuan çdo jave nepermjet:

- njoftmeve per shtyp
- konferencave per shtyp ne seline e KKRT-se.
- intervistave ne radio dhe televizion
- bisedave ne radio dhe televizion

Duhet theksuar se ne ditet e konferencave per shtyp, te gjitha radiot dhe televizionet, kishin lajm te pare rezultatet e monitorimit.

Nepermjet monitorimit iu dha zgjidhje ankesave dhe mosmarreshjeve te subjekteve politike dhe atyre radiotelevizive, detyre e percaktuar nga Kodi Zgjedhor.

Nga procesi i monitorimit dolen disa probleme qe kane te bejne me mosperputhje te ligjeve. Ne kuadrin e rishikimit te Kodit Zgjedhor dhe ligjit "Per radion dhe televizionin ne RSH" duhen pasqyruar dhe ndrequr te metat qe u vune re.

KKRT kerkoi sipas ligjit, te gjobise tre subjekte televizive , per pasqyrim te njeanshem te fushates elektorale, ne perfundim te saj. Kete mase ajo e bazonte ne nenin 148 pika 2 te Kodit Zgjedhor.

- Se pari, ky vendim i KKRT nuk u miratua nga KQZ si i pabazuar ne ligj, me pretendimin se neni i mesiperme paska te beje me shkeljet e rregullave nga televizionet kombetare, gje qe nuk eshte permendur askund.

- Se dyti, KQZ, nje institucion i pavarur dhe i zgjedhur nga Kuvendi i Shqiperise, konteston vendimet e nje institucioni te pavarur dhe te zgjedhur po nga Kuvendi i Shqiperise, i vetmi qe me ligj vlereson paanshmerine e operatoreve radiotelevizive.

KKRT nuk eshte subjekt ne vartesi te KQZ. Sipas ligjit KQZ mund te rrezoje vendimet e strukturave vartese, KKRT nuk eshte subjekt zgjedhor.

Vendimet e KKRT, sigurisht, mund te revokohen. Por ato mund t'i ndryshoje e rrezoje sipas ligjit vetem gjykata.

Raporti perfundimtar i ODIHR-it e gjen veprimtarine e KKRT te mbeshtetur ne ligj, madje duke cituar dhe gjobat e mesiperme.

Kerkesa per paanshmeri ne pasqyrimin e fushates nga media elektronike publike dhe private ne pergjithesi u ruajt nga operatoret radiotelevizive, fakt qe eshte theksuar edhe ne raportet e ODHIR-it dhe OSBE-se.

Gjate vitit 2002, **duke shfrytezuar edhe qendren e vet te re te monitorimit do te monitoroje strukturen programore te operatoreve radio e televizive, duke u perqendruar vecanerisht ne vemendja ne fushen e programeve do te perqendrohet ne transmetimin nga operatoret radiotelevizive, te programeve te blera ne menyre te ligjshme, duke garantuar konkurrencen e ndershme ne fushen e mediave elektronike, ne respektimin e kushteve per te drejten e autorit per transmetimin e reklamave si dhe zbatimin e ligjit ne drejtim te permbajtjes se paanshme te emisioneve informative.**



Opinionit publik, nga njoftimet tona per shtyp, eshte njohur me pasqyren e detyrimeve financiare qe kane per vitin 2001, sipas ligjit, operatoret radiotelevizive.

Ne fund te ketij raporti, bashkelidhur, mund t'i gjeni keto te dhena per cdo subjekt te licencuar, cili prej tyre i ka shlyer detyrimet, cilet pjeserisht dhe te tjere aspak. Keto te dhena, te azhornuara periodikisht, gjenden edhe ne faqen tone te internetit ne adresen **www.kkrt.gov.al**, ne rubriken **informacion**.

Ne ligjin nr 8410, " Per radion dhe televizionin publik e privat ne Republiken e Shqiperise", neni 33, pavleshmeria e licences, thuhet:

" Licenca behet e pavlefshme kur:...5. kerkuesi nuk e terheq licencen ose nuk realizon detyrimet financiare te parashikuara me ligj pas 90 diteve nga momenti kur merr dijeneri per miratimin e saj".

Sipas ligjit, te gjithe subjektet e licencuara kane marre dijeneri per dhenien e licences duke e botuar ate ne Fletoren Zyrtare si dhe duke e percjelle Vendimin e KKRT me shkrese te protokolluar.

Theksojme se operatore te vecante, por edhe Shoqata e Transmetuesve radiotelevizive kane bere vrejteje per limite te larta te taksave e pagesave vjetore, qe jane marre ne konsiderate nga KKRT dhe ligjvenesit, por, gjate procesit te konkurimit e te licencimit ligji ishte ne fuqi, taksat ishin te shpalluara, po ashtu edhe kriteret e licencimit e tarifate perkatese.

Nderkaq KKRT, pasi studioi me vemendje gjendjen e transmetuesve rtv, te identifikuara realisht ne dosjet e tyre te aplikimit, qe ne muajin shkurt 2001 paraqiti ne Komisionin Parlamentar per Mjetet e Informimit Publik dhe ne Qeveri propozime per uljen e pagesave vjetore te licences dhe te taksave. Propozimet u gjenden te vlefshme: Pagesat vjetore te licences, gati 50% me te uleta, (ne fakt jane deri 6 here me te ulta me propozimin e SHKRT) u miratuan me amendimin e ligjit ne maj 2001, ndersa taksat e reja, ne shifra absolute rreth 60% me te uleta, u miratuan se bashku me paketen fiskale ne fund te vitit dhe hyjne ne fuqi nga 1 janari 2002.

Per te lehtesuar disi pagesat, ne 26.03.2001, u miratua ligji nr.8760 “ Per pagesat me keste te taksave ndaj operatoreve private radio dhe televizive gjate periudhes tranzitore te vitit 2001”, me afat te fundit deri 31.12.2001.

Per sa me siper, nje praktike e gjate shkresore midis KKRT , dhe operatoreve, KKRT dhe degeve respektive te tatim taksave ne rrethe, por edhe me Drejtorine e Pergjithshme te Tatimeve e Ministrine e Financave qartesojne detyrimet e procedurat midis paleve (Shkresat me nr.prot200, date 27.03.2001, nr.prot 204, date 30.03.2001, nr.prot 243, date 19.04.2001, nr.prot 244, date 19.04.2001, nr.prot 440, date 2.07.2001, nr.prot 614, date 13.09.2001, me objekt “ Pagesat dhe detyrimet” derguar gjithë subjekteve te licencuara, si dhe shkresat me nr.prot 145, date 27.02.2001, nr.prot 244, date 19.04.2001, nr.prot 611, date 12.09.2001, drejtuar organeve tatimore ne rrethe e ne qender).

Mbeshtetur ne ligj, u kemi kerkuar organeve tatimore dhe policise tatimore te veprojne sipas dispozitave ne fuqi per procedurat fiskale per te realizuar kerkesen taksative te nenit 33 per pavlefshmerine e licences.

Ligji ngarkon KKRT te administroje spektrin e frekuencave per transmetime rtv. Frekuencat jane pasuri kombetare teper e kufizuar. Licencat per perdorimin e tyre, per transmetim radio ose TV, jane nje privilegj, qe e perfitojne disa, te cilet plotesojne e pranojne kerkesat e ligjit dhe jo nje e drejte per kedo qytetar. Por cdo qytetar ka te drejte te kerkoje informacion, edhe llogari, si administrohet, konform ligjit, pasuria publike qe eshte edhe e tyrja.

KKRT eshte e detyruar te garantoje konkurrence te ndershme, rregulla te njejta “loje” per te gjithë dhe s’mund te lejoje te demtohen ata qe respektojne ligjin.

Ne luften per te hyre ne treg, per t’u afirmuar, edhe si biznese, qofte edhe per te mbijetuar, nje numer operatoresh po e perdorin licencen dhe

pronen publike dhene ne perdorim prej saj,- frekuencat, per perfitime te paligjshme, duke konkuruar ne menyre abuzive me subjektet e tjera qe kane shlyer detyrimet, duke konkuruar pandershterisht median tjeter, ate te shkruar, por edhe bizneset e tjera; sigurojne te ardhura nga reklama pa paguar TVSH, zgjerojne zonen e mbulimit jashte licences me frekuenca te paautorizuara, duke mos paguar taksa per to, duke interferuar tek te tjere, por edhe duke hyre si pirate ne nje treg qe s'u takon.

Praktika e media - kioskave radiotelevizive, pa realizuar kerkesat e pranuar te kushteve te licencimit, pra te ligjit, pa strukture programore, pa buxhet e bilanc, pa kontrata punesimi, pa informacion objektiv e program cilesor dhe me shume" pa" te tjera, duhet te marre fund, ne radhe te pare per te ardhmen e mediave elektronike.

Per t'u prere rrugen shfaqjeve te mesiperme, gjate vitit te kaluar KKRT ka dialoguar me operatoret per te gjetur mirekuptim, por edhe ka perdorur sanksionin e paralajmerimit ne shume raste, ashtu si ka penalizuar me 18 gjoba subjekte precedente shkeljesh.

Duke e konsideruar sa parashtroam me siper si problem te mrehte e kyc per mbarevejtjen e zhvillimin e mediave elektronike, kerkojme nga organet e shtetit te ngarkuara me ligj te zbatojne ligjin, kerkojme mirekuptimin e operatoreve radiotelevizive e te shoqates se tyre, sensibilizimin e medias per kete problem te ligjit por edhe, te themi, te moralit brenda misionit te medias , si kerkojme gjithashtu edhe mbeshtetjen e ligjvenesit- Kuvendit te Shqiperise .

Eshte rasti te perseritim edhe njehere kerkesen qe ky Kuvend i Larte te miratoje, sipas ligjit, antarin e shtate te Keshillit.

Ju faleminderit,

KESHILLI KOMBETAR I RADIOS DHE TELEVISIONIT

KRYETARI

Sefedin ÇELA

